

*Զինաիդա Բալայան,  
բ.գ.թ., դոցենտ, ԱրՊՀ*

*գրականության և լրագրության ամբիոն, դասախոս*

**ԱՐՑԱԽՅԱՆ ԱԶԳԱՅԻՆ-ԱԶԱՏԱԳՐԱԿԱՆ ՊԱՅՔԱՐԻ ՊՈԵԶԻԱՅԻ ԳԵՂԱՐՎԵՍՏԱԿԱՆ ՊԱԿՏԵՐԸ (ՎԱՐԴԱՆ ՀԱԿՈԲՅԱՆԻ «ՔՐԻՍՏՈՍԻ ԾԱՂԻԿՆԵՐԸ» ՎԻՊԱՍՔԻ ԱԶԱՏԱՇՈՒՆԸ ՄԵՎՆԱՂԱՇՏԸ)**

*Բանալի բառեր. Արցախյան Շարժում, Քրիստոսի ծաղիկները, Մասիսներ, Արցախի քաղաքական ճակատագիրը, արք, Ավետարանոց, Քիրս :*

**З. В. Балаян, к.ф.н., доц.**

**каф. литературы и журналистики, АрГУ**

**ХУДОЖЕСТВЕННЫЙ ОБРАЗ ПОЭЗИИ АРЦАХСКОГО НАЦИОНАЛЬНОГО ДВИЖЕНИЯ В ПРОИЗВЕДЕНИИ ВАРДАНА АКОПЯНА «ЦВЕТЫ ХРИСТА»**

Арцахская национально-освободительная борьба, не имеющая аналогов, является последней героической страницей политической судьбы армян, полной драмы. Она полна мужества, эпизоды неопикуемых военных подвигов, которые стали избранными темами для литературных и творческих работ, рассказов, мемуаров, созданных поэтами-писателями, участвовавшими в этой героической борьбе: солдатами пера.

Рассказ В. Акопян «Цветы Христа», который стоял у истоков этой борьбы, является одним из ценных произведений этой серии.

*Ключевые слова: Арцахское движение, "Цветы Христа", Масис, политическая судьба Арцаха, рассказ, Аветараноц, Кирс.*

**Zinaida Balayan,**

**PhD in Philology, Associate Professor, ASU**

**FICTIONAL CHARACTER OF THE POETRY OF ARTSAKH NATIONAL MOVEMENT OF THE VARDAN HAKOBYAN 'S "FLOWERS OF CHRIST"**

The Artsakh national liberation struggle, which has no analogues, is the last heroic page of the political destiny of Armenians full of drama. It is full of courage, episodes of indescribable military exploits, which have become selected themes for literary and creative works, stories, memoirs created by poets-writers who participated in this heroic struggle: soldiers of the pen.

The story of V. Hakobyan "Flowers of Christ" standing at the sources of this struggle is one of the valuable works of this series.

*Key words: Artsakh movement, "Flowers of Christ", Masis, political fate of Artsakh, story, Avetaranots, Kirs.*

*Արցախը ծաղկագիր նամակ է լեռների վրա՝  
պարզված հավերժին...  
Վարդան Հակոբյան, «Քրիստոսի ծաղիկները»*

Գրականության հիմնական նպատակը կյանքի իրական հանգամանքների ու իրական բարքերի, երբեմն նաև անիրական երևույթների մեկնաբանությունն է, տիպական կառուցվածքի վեր հանումը ու ճանաչողական, գնահատողական մղումներ ստանալը: Իրական կյանքը ստեղծում է արվեստի մեծ գործեր, գեղագիտական, իմացաբանական մղումներ է ներարկում նրա երակները, ժամանակ հարաբերությունում կրում է որոշակի ընդհանրություններ, փոփոխություններ, բայց պահում է յուր արտացոլանքները գրողի աշխարհայացքի և նրա ստեղծագործության վրա:«Երևելի կրիտիկոսը»՝ (Մուրացան) Բելինսկին արվեստի շուրջ մտորելով, նկատում է, թե վերջինս «իրականության վերարտադրությունն է, կրկնված, կարծես նորից ստեղծված մի աշխարհ»:

Իսկական գեղարվեստական երկը սնվելով կյանքից, ծնվելով նրա հարաբերությունների ու հակասությունների բախումից կամ զուգակցումից, ժամանակի մեջ մնում է որպես մշակույթի արժեք. հիրավի՝ ճշմարիտ է Չարենցը.

**Թեկուզ դարն է ծնում և երկիրն է տալիս երգին շունչ ու ոգի-  
բայց երգը երկրից ու դարից մի՛շտ երկար է տևում...**

Հաճախ գեղարվեստական երկն է ստեղծում իր գնահատման չափանիշը, յուրովի գծելով քննողական դաշտ, առաջադրելով բանաստեղծի մեկնողական ներքին խառնվածքին բնորոշ պոետիկա, ենթարկվելով կամ չենթարկվելով տեսական ժանրային համապատասխան սկզբունքներին: Մեկնաբանական և արժեքաբանական, վերլուծական, համադրական, հակադրական գնահատման ասպեկտներում քննենք <<Քրիստոսի ծաղիկների>>... կառուցողական շրջույթները, ավանդապահ, թե՛ ավանդախախտ դեստրուկտիվ ընթացք վերապահելով Վարդան Հակոբյանի պոեմին...

Ո՞վքեր են նրանք<<Քրիստոսի ծաղիկները...>>, որոնք ի վերուստ արդեն կարգված են լուսապսակվելու, լուսապսակ կրելու մի ավելի վեր, ավելի հրեղեն, հայրենադեմ լինելության՝ ազատության, անկախության ուխտին ուկնդիր:

Հարկա՛վ, հարցադրումն անբեկանելի, անտրոհելի է, մեկնաբանումը՝ աստվածահաճո ու աստվածատուրք...

Ա՞նք է, թե՞ առասպել, հիշողություն է, թե՞ պատմություն, տարեգրություն, թե՞ ժամանակագրություն, խենթ-խիզախների վարքագրություն, թե՞ հորինվածք՝ տաղանդավոր վիպերգուի լեզվամտածողության բարձր մակարդակ:

‘Դադարներ>>՝ կտրուկ շրջադարձներով...

‘Դադարների>> բանաստեղծական կատարումը՝ կառուցողական կերպը, կարծես հիշեցնում է անտիկ աշխարհի **Էպիկիաներ (հաղթերգեր՝ ներբողներ) արարողի՝ Պինդարիոսի (Ք.ծ.ա. 6-5-րդ դդ.)** պոետական արտասովոր նկարագիրը, բանաստեղծություն արարելու կերպը, երկերի բարդ կառուցվածքը՝ քերթվածների շարային, ժանրային արտասովոր կազմանյութը՝ **հասարակական ծեսերի, տոնախմբությունների, ավանդապատումի, առասպելական երանգներով հորինված երկերի անսովորությունը**՝ ներկայացված **ստրոֆե-անտիստրոֆե-էպոդոս** ձևույթում:

Հակոբյանի մոտ բանաստեղծական պատկերները **ստրոֆեյով՝ <<Երկիր սրբավայրով>>**, ու փիլիսոփայական խոհի՝ **անտիստրոֆեյի՝ <<Դադարների>> պրոզայիկ արքետիպով**, ապա նորից՝ **<<Հաղորդություն>> ստրոֆեյով** են կազմաբանվում, պոետական տեսքի բերվում:

Քերթողական միջնորդությամբ բանաստեղծը արարման խորհուրդն է քննում՝ մեկնելու առեղծվածը<<Կրկին դադարներ>>-ից **էպոդոսին՝ <<Անխուսափելի կյանքից>> ու <<Շրջանակից դուրս>>** միջնորմները՝ այն տարբերությամբ, որ հակառակ Պինդարիոսի՝ հազիվ չափային շարժում տեղավորվող՝ **ստրոֆե, անտիստրոֆե, էպոդոս** կառուցվածքային եզրույթի հզորահաղթ անցումների նկարագրին, Հակոբյանի պոետական շրջույթները դառնում են անչափակիր՝ քերթվածից-արձակ ձգվող տողաշարեր, արարվող ծեսից ու ծննդացույցից՝ առասպել, տարեգիրք դարձած վարքամատյանից՝ ասք-լինելություն, հուշամատյան, ասք-ավանդապատում, ապա Արցախի աշխարհի սուրբ նահատակների՝ Քրիստոսի ծաղիկների արյան շառափայլով, կորուսակիր վարքով հաստատված, սրբացված հերոսապատում... Այսպես ձև ու ձևույթ, խախտ ու չափություն, սկիզբ ու նախասկիզբ՝ զիրկընդիսառն արարվել է ասքը՝ Վարդանական <<դադարների>> կտրուկ շրջադարձներով, քննելու ինքն իրեն ու ժամանակը, Արցախյան գոյամարտը, զինվորներին, բոլորին... Խաչի պապին, Մաթենիկ տատին, Զառունց խենթերին՝ Ակուսիկ Զհանին, Ծատուրին, ո՞ր մեկը թվես :

Հե՛յ վախ, Մհեր, ո՞ւր թռավ քո սիրտը՝ թևին, հևին հևք տվեց ու... թռա՛վ հրաշքի պես, հե՛յ, Մհե՛ր...

Թե՞ կոնիվ կա աշխարհում. այն այդ կոնիվը նախ յուրաքանչյուրի հոգում ու մարմնում է, որ կելնի ու կհորդանա՝ Արցախի աշխարհին ապավեն կդառնա: Հակոբյանի <<դադարներ>> այլևս <<դադարներ>> չեն՝ ուղղակի իմաստով, այլ՝ ցավ ու կորուստ, ոգեղեն ցոլք, կրակված հոգիներ, արցախական ձորեր ու... երդում՝ եռագույն դրոշին. ե՛րբ և ինչպե՛ս, որտե՛ղ ու ո՞ր ժամանակներից այսպես եղավ ու... այսօր ժամ ու ժամանակ տվել ու կոխ են բռնել անտեր թուրքի հետ, որ վայրենաբար փորձում է տիրական լինել իր մոզնած <<հայրենիքում>>: Այսպես Վարդանական ասքը գլորվում, հա՛ գլորվում ու կարոտականչ է դառնում՝ Մաքունց սարի սուրբ մատուռին պահ տված 3 տարեկան երեխա ասես, որ...<<ամուր սեղմել է մայր մտնող արևի շողերն ու քնել՝ անցած, ներկա ու գալիք բոլոր պատերազմները հաղթանակած>>՝ վաղուց զինվոր դարձած: Հապա՛...

Հակոբյանի բանատողը տող չէ այլևս, նրա բանարվեստը դրասանգվել է պատկերախիտ վրձնմամբ, մակդիր էպիդետները այլևս ոչ թե երկրորդվել, այլ երրորդվել, չորրորդվել ու աստղաթև, իրոք, հայեցողական, համադիր ու հակադիր են դարձել,-

**Երազը - ահա մեր առաջին հանդիպման վայրը:**

**Երազը - ահա մեր ժամադրավայրը վերջին <sup>1</sup>,** - կխորհեն նրա հերոսները:

Իսկ սամում ապրած արցախցու բանաստեղծական հոգուն, երազը կդառնա միայն սպասված ժամադրավայր:

Ի՞նչ ավանդական չափություններով պիտի քննել ասքը, երկվություններով լցված Հակոբյանի քերթողական հոգու դինամիկ անցումները, ի՞նչ խոհա-փիլիսոփայական դիտություններ է նա ելման կետ ընդունում ու, արդյո՞ք, ընդունում է, արդյո՞ք, մի տաղանդավոր ասացող չէ՞ երկիր դրախտավայրի շուշանափերին իր սիրակիր թարթումները փնտրող ու շյուղ-շյուղ բանատող դարձնող քերթողը, պոետական ի՞նչ կառույցներ ունի նա... ենթակա՞ են, թե՞ կարգալույծ, ասացողի բանատրոպ է, թե՞ հոգու անսահման մերձեցից ձայնարկող կրկնաձայն, անդնդախոր ավերի եղեգան փո՞ղ, չարագույժ կո՞նչ...՝ ո՞ր կենդանու տեսքով.

**Եվ մի ամբողջ գիշեր, թեժածարավ գույների մեջ**

**թավալվելով,**

**ես ընկղմվել էի հովտի մանուշակներում, պատկած էի տկլոր,**

**վերակերտում էի ժայռերը՝**

**չկարողանալով կասեցնել**

**իմ այնքան տաք բունկումի գրոհը՝ դեռ կին չտեսած**

**եվ անանուն ու անմարմին, թունավոր ծաղիկը դրախտավայրի ...<sup>2</sup>**

Եվ պետք չէ լավ քերթված արարելու համար չափակիր լինել եղած գրական ուղղություններում ու պոետական կուլտուրայում: Լսենք այս դեպքում երևույթը հաստատող Արշակ Չոպանյանի մեկնումները՝ գրական երկի ու գրական ընդհանուր օրենքների հարաբերությունների շուրջ: <<Ենթադրել որ գրված կանոններեն, տրված բանաձևերեն, վավերացված սեռերեն դուրս չկա գրականություն, առիկա իմաստակություն է: Գրականությունը կը ծնի արվեստագետին տպավորական հոգիին վրա արտաքին ու ներքին աշխարհներուն ըրած կրկին ազդեցությունեն, և գրական գործերն են, որ կանոնները կը շինեն, ոչ թե կանոնները՝ գրական գործեր>><sup>3</sup>:

Իսկ բնության բոլոր անտես ու անմարմին երևույթները, կանչերը՝ դեռ երկունքված ու ծնունդ չապրած, դեռ աստղացույք ու ասքաշյուղ են, հմուտ ասացողի շրթին՝ շառագույն հևք են դարձել ու ծարավի են, ծարավի՝ հավիտենական ճամփածիրներում, ձարխոտերի, գիլամարենու, դեղձենու և անգամ՝ հարալեզների կանչերում, որ ծառերի վարսերն են, ու ծեծկոտուք են՝ շրթեշուրթ, անխոս մեղեդի, կորսված, թե՞ դեռևս չերգված, հավաքված բանաստեղծի հոշոտված մարմնի ու անչափակիր հոգու շուրջ...

**Կա ու չկա վերադարձ, սպասում, կա ու չկա ժամադիր հուշ, <<չբունկվող երազ ու շող>>:**

<<Դադարների>> ելման կետը Արիստակես Լաստիվերտցու <<Պատմության>> նախաբանն է հիշեցնում. թե ինչ մեղքերի գնով պատուհասվեց ազգն հայոց ու... մատենագիրը, որ շարունակում է Նարեկա դպրոցի ավանդները, շարունակաբար, տարեգրական, պատմագրական, ժամանակագրական երկասիրություններին հատուկ հարաբերությամբ է մատենագրում թուրք-սելջուկներից Հայաստան աշխարհին հասած դժբախտությունները՝ սթափությամբ ու ճշտությամբ տալով Հայաստանի քաղաքական նկարագիրը: Հայաստան երկիրը ականատես մատենագրի դիտմամբ՝ <<այժմ ընկած է բոլոր ճանապարհների խաչմերուկներում՝ մերկ, խայտառակված, և կոխկրտում են նրան նախատինքով ճանապարհների բոլոր անցողիները՝ ելած հայրենի աշխարհից, օտարացած ծանոթներին, հեռացած ընտանիքներից, բարեկամներից ու ազգականներից՝ դարձել է գերի ու կալանավոր բոլոր ազգերին>>:

<sup>1</sup> Հակոբյան Վ., Քրիստոսի ծաղիկները, տե՛ս Անդրադարձի տեսիլներ, ԵԺ, Ե., <<Հայաստան>> հր., 2002 (այսուհետև՝ <<Քրիստոսի ծաղիկները>>), էջ 505:  
<sup>2</sup> Նույն տեղում, էջ 506:  
<sup>3</sup> Չոպանյան Ա., Մեր գրականությունը, տե՛ս Հայ գրական քննադատության քրեստոմատիա, 2հ-ով, հ.2, Ե., Երևանի համալսարանի հր., 1984, էջ 481:

Լաստիվերտու Հայաստանը կոխկրտված է, իսկ Հակոբյանի Արցախա աշխարհը փորձում է հաղթության դափնիներով զարդարել իր հերոսներին, իր լուսապսակ հագած նահատակ սրբերին...

**Մպասում եմ,  
որ ճակատիս գրեքում ճշտումներ մտցնի Տերը,  
որն ինձ տվել է տառապանքը անկշռելի  
ու ամեն պահ բզկտվող աշխարհի ամենամեծ սերը <sup>1</sup>:**

Ու արարման, փլուզման, վերակերտման, կորուստների լաբիրինթոսում ու գեհեճում անգամ Պլուտարքոսը անհայեցական է, գիտե որ

**Աստվածների և  
չաստվածների կռիվն է անվերջանալի:**

Ժամանակները սառնարյուն են, հաշվառք ունեն, անբարո ու անմիխիթար են, սակայն, գիտե

**Անցնում է  
ամբողջ մի հավիտենություն <sup>2</sup>:**

Արցախ աշխարհը, սակայն, գիտե ներքուստ ծանրութեթն անել լույսի ու ստվերի, արյան աշխարհը: Այլևս մահտարածում ու մռունչ է՝ խոժոռամիտ.

**Մամուճը սև անապատի եկել, լեռան դուռն է ծեծում:**

Հայոց Արցախա ամուր ու վես լեռները ևս այրուձի են, ներքին կորովով ու սպասելիքով: Այսպես-նախասկիզբն է ասքի, հերթապահ-զգուշացում. քամելիոն ու լորտու, աշխարհի հոգը չէ՝ ո՞վ և ի՞նչ է լինում. Հակոբյանի բանատողը ասքաշող է ու հարցում, պարադոքս ու անպատասխան, անշուշտ, ինքն էլ և՛ սամուճը ցույց կտա, կբացահայտի, և՛... ասքաշողը.

**Ամենաթեժ կետը երկիր մուրրակի, ուր կանգնում եմ՝  
ոտքիս տակ է...**

Իսկ դա Արևելից տունն է՝ Արցախա տունը, խենթ-խիզախների սրբատեղին՝ արյունածոր, վիրակապ թներով ու թոնրաշուրթ սրտով... Վի՛պենք... Վիպում է Հակոբյանը թերևս ափսոսանք ունենալով խոհակիր հոգում, ամուլ ապրած երագների համար.

**Անձաղիկ ծաղիկը աշնանավերջի ափսոսանքն է...**

Այսպես երագադիր՝ ժամադրումով կայանում է մի խորհրդավոր ծես՝ առասպելաբանվելուն միտված՝ հոգուն ու սպասելիքներին բևեռված՝ Սաթենիկի թռռ, Սարգսի ծուռ որդու խռովքին՝ համադիր և հլու.

**Իսկ դրախտավայրը կայանում է միայն կորսվելուց հետո <sup>3</sup>...**

Դեա այդպես է՝ լինի սիրո, ծաղկի, ծիլի, բույրի, լույս ստինքների. իսկ Ադամայգում կաթը գժվում է բանաստեղծվելուց:

Իսկ կյանքի անցումներում նրանք են կանգնած՝ ասացողի խոհակիցները, սիրակիցները, երագակիցներն ու չեն գտնում, ու գտնում են..., կորցնում են ճամփաներն անթվակիր, անհասցե, որ իրենցը և իրենցը չէ՛ն... չէ՛ն. ամեն ինչ խունկ, ամեն ինչ անգո... ու անցումները՝ շիկացած, որոնք բանաստեղծի միջով են անցնում, նախանիշ են ինչ որի, որ որն է՝ աներկյուղ, նա գուցե՞ թե՛ անգոն ու անդեմը.

**Բերում է աչքեր, դեռ ոչ որի չտեսած...**

**Բերում է սիրտ, դեռ ոչ մի կրակում չկիզված ...<sup>4</sup>**

ու սիլոգիզմներն են ընթացքավորվում, որ փիլիսոփայինն է, այստեղ՝ Վարդանինը, ու շիկացած պատկերները, որ քերթողինն են, ու ասացումները, որ ասացողինն են ու ասողածղի են, հուշաբույր, երկնառաք ու բազմաստեղ են, հույլը-հույլը, ուր Հակոբյանի անսանձ հոգին է թևածում, չափ ու ձևույթ չընդունող, ասրափայլ ու կոստնտոտիկին խոհակիր՝ սարսռամիտ... սուլում են, փնջում են, ելնում ու թևում են: Արցախա պիրկ լեռներ ու ձորերն են, այրուձի են, արնացույք ու երագ են, հրեղեն լույս... ինքնադրոման ու ինքնաճանաչման, ինքնատեսության խենթացումն է: Այդ ամենը նաև հոգեկրի պես զինվորացու են՝ դեռևս չպտուղված, իսկ պտղավորվածները՝ պապ ու տատիկ են:

<sup>1</sup> <<Քրիստոսի ծաղիկները>>, էջ 502:

<sup>2</sup> Նույն տեղում, էջ 504:

<sup>3</sup> Նույն տեղում, էջ 504,505:

<sup>4</sup> Նույն տեղում, էջ 510:

**Ես արդեն ինձ չեմ ճանաչում Աստծո տված քո վրձնի ծայրին,  
և սա իմ ինքնահաստատումն է ժամանակի  
և տարածության մեջ...  
տիեզերական...<sup>1</sup>**

Բանաստեղծի ինքնահաստատումը ելման կետն է, որտեղից ամեն ինչ այնքան պարզ է ու... միաժամանակ չհասկացված, որտեղ սիրո, կարոտի, ցավի, երազի, չաստվածների, հեթանոս աստվածների սարսուտների դռները բացվում են ու չեն փակվում, բանաստեղծին դողեցրոցքով պարուրում.

**Իսկ մեր տունը՝ սպասումն է մեր, սուրբ սիրո մեջ,  
բա՛րձր, բա՛րձր, ամենավեհ լեռան վրա աստվածամերձ...<sup>2</sup>**

Քննելով Մուրացանի պատմության փիլիսոփայության համակարգը, մի առիթով Սարինյանը նկատել է. <<Մուրացանը պատասխանելու համար ներկային, հարցում է անում անցյալին>>... Թերևս դա պատմավիպասանի, բանաստեղծի, մշակույթի մարդու համար պարտադիր ստեղծագործական նախապայման է:

Այս զգացողությունն էս ունենում <<Գալիքի հրավերքը կամ առերեսում անցյալի հետ>> հատվածը ընթերցելիս ու... որպես վտանգը նախազգող ցավի մեկնություն, բանաստեղծը նախածին բնագրով անհանգիստ է Արցախի աշխարհի համար.

**Կրակը լափիզելով՝ ինչ պատահի, մոտենում է...**

**(Վիհ: Անդունդ: Թռիչք-անցում):**

**Անհասին հասնում է նա, ով չի հասնում. որովհետև՝ երբ**

**Աստված է խոսում**

**լում է բանաստեղծը,  
ուշիմ,  
խելագար,  
երբ սկսում է խոսել բանաստեղծը,  
Աստված չի <<լում>>:<sup>3</sup>**

Իսկ աշխարհը, մարդիկ, և առավել՝ Աստված, լուռ են մի խորհրդավորությամբ.

դրանից առավել անհանգիստ է բանաստեղծը.

քանզի եթե լսող չկա, առավել ևս՝ պիտի ասել, ասել, ասել...

**Իսկ, որ ավելի սահմոկեցուցիչ է՝ կրակն մոտեցող**

**<< լափիզող է>> ու ծառն՝ այստեղ՝ Արցախական տունն է,- ծառը տեսնում է-**

**ու չի կարող փախչել, ու չի կարող նահանջել ծառ է՝**

**ընդերքներում խորը ագուցված արմատներով:**

**Չի՛ էլ փորձում <sup>4</sup>:**

Այո՛, ծառը՝ Արցախա տունը, մետաֆորիկ է, անձնավորված, խորախորհուրդ պատկեր-հարցադրում է, քանզի Արցախա տունը՝ հին ու արմատավոր է, որքան էլ վտանգը կա, միննույն է՝ ինքն իր արմատներով հողի ընդերքում է. փոթորիկներ կգան ու կանցնեն, հողն Արցախական անանց է ու հավերժական...

Բանաստեղծի հիշողությամբ՝ արցախցին քրիստոսածաղիկ է, հաճախ՝ նահատակ, պատրաստ նորից հանուն հող հայրենիի՝ մարտիրոսվելու, լուսապսակ կրելու...

Բանաստեղծը նախ և առաջ փիլիսոփա է. խոհածումները նրա՝ սիլլոգիզմներ են՝ պատճառահետևանքային կապերով, առաջնայինից՝ երկրորդայինը միտվող սքողումներով, աֆորիզմիկ՝ հետ ու առաջ դարձվող քննումներով. հարկա՛վ-

**Չինը այն է, որ նոր չի լինում ոչ մի ժամանակ:**

**Քանզի բանաստեղծությանը ես մոտիկ եմ եղել  
անհամեմատ,**

<sup>1</sup> Նույն տեղում, էջ 511:

<sup>2</sup> Նույն տեղում, էջ 513:

<sup>3</sup> Նույն տեղում, էջ 514:

<sup>4</sup> Նույն տեղում, էջ 514:

երբ ավելի, անասելի շատ հեռու էի բանաստեղծությունից,  
երբ ես դեռ չէի ծնվել,  
բայց, անշուշտ, սերը կար աշխարհում:  
Եվ բանտերը ազատության օազիսներ են:  
Եվ ի՞նչ պոեզիա, եթե բանտերը լիքը չեն պոետներով:  
Ու չնայած չափանիշ է ն՛ գավ ն՛ կարոտ, ն՛ սեր, ն՛ իշխանություն,-  
Սուտ է, թե արքաները մենակ չեն մնում,  
բոլոր արքաները լինում են մենակ:  
Իսկ թե մենակ չեն՝ ինչ արքա:

(Աղվանից Վաչե արքայի երկվությամբ տնքող  
հոգու հանգույն է բանված)...

**<<Լափլփող կրակի>> արահետներում Արցախական աշխարհն է:  
Ապագայի հրավերքը Աստծո սուրբ ոտնահետքն է հայոց  
բիբլիական լեռան վրա...<sup>1</sup>**

Իսկ ճանապարհները ոտնահետքերն են, ոտնաձայները՝  
տիեզերացունց մոնյունով Միամանթոյի, Ռուբեն Սևակի, Վարուժանի...  
ու բանաստեղծված Արցախս հողում քերթության ու քերթողի շրշյուն է, ոտնաձայն,-  
**Ծանրացել են դեպի լյառն Արարատ բարձրացող Ուիթմենի**

**Քայլերը ...<sup>2</sup>**

Ու Ռբսկան սարը վիպական պահվածքով կարծես ելել է ծիսատրուքի.

**երեսը փռել է ոտքերի տակ արեգակի՝  
մի անձայրածիր, արյունոտ ժամանակի մեջ<sup>3</sup> :**

Հակոբյանի <<Քրիստոսի ծաղիկները...>> արդի հայ քերթողական արվեստի, ազգային և  
համազգային գեղագիտական շերտերի բնածո է, քերթության անկրկնելի աշխարհ, որը  
ստեղծագործական բարձր մակարդակ է նախանշում, և ամենազլխավորը՝ ներկայանում է որպես  
արցախցու հաղթության զարմանահրաշ, տիեզերադեմ ֆենոմենի պոետական արքետիպ...

<sup>1</sup> Նույն տեղում, էջ 516-518:

<sup>2</sup> Նույն տեղում, էջ 523:

<sup>3</sup> Նույն տեղում, էջ 524: